

Kangiqhiyangit Ukiuqtaqtuq imarmiuttat agyaqtuinirnut ihuiluutiyut ingattaqhittailinirnut:
Ihuilutiniq ihivriurnikhainnut ingilrut timiuyunut hivunikhaqhiuqtunut

M.A. havaariyangit ukunanngat Beth Thiessen (Iiharvigyuangat Saskatchewan)

Ihumaliuqtit maliinnaqtangit ihuiluutiyunut ihivriurnikhainnut (IA) ingilrutigilluaqtangit ihivriuriangani, qimilruqhutik, tuhaqhiivakhutik ihuiluutiyunit havaariyauyunit uuminngalu tukhiutigiyangit ingattaqhittailinahuarnikkut parnaiyainikhat angirutingillu. Qakugunnguqqat unгахiktumi, atuqtakhait haffumani Ukiuqtaqtuq agyaqtuiniq naahuriyauyut angikliliqtut hilaup uunnakpallialirnat, avatait pivallianikhat, pulaaqattaqtuniglu. Angikliliqtuq agyaqtuinirnut taimaa aturnaqtumik apiquutigivagaat nunaliit, kavamait, maliguarutit havaatigullu haffumani imarmiuttanit ihuiluutiyut haffuminngat kuinginnarningit, uqhuryuanit kuvihimayut, angikliktiqaktut atuliqtauningit, ihuiluutiyut imarmiunut avataita. Nunavut naahuriyangit una angikliliqtuq mihikpallianingit uvani nalirriqtut imarmiuttanit pivallianikhainnut ukunani inuuttiarnikhainnut unalu avataita ilaliutigiyangit haffumani Nunavunmi Nunangannut.

Hamna hivunikhautikhangit haffumani qauyiharniq kangiqhittiarahuaqtangit qanuq nalunaitkut ihuiluutauvaktuq imarmiuttanut agyaqtuiniq ingattaqhittailinahuarnikkut parnaiyainingit tuhaqtittiyangit tamainnut IA piliriakhat. Ihumaaluutigiyangit haffumani imarmiuttanit piqutingit avatingillu munarilluaqpagaat hamna maliguarutit piliriangit tunihiyangit aturnaqtumik imarmiuttanit iningit aullaaraangat, pitquhiriyangit maniliurahuarnikkut pivallianingit. Hamna ayurnaqtuq ilitquhiita uumani imarmiuttanit auladjutaa qanuq ihuiluutiullu ilavaktut qakugunnguqtumi angikliktiqtullu nalunaitkuhiq tukhiutigiyangit, kihimi kiugiaqaqtangit nalunaitkuhiq haffumani ihuiluutauvaktut ingattaqhittailinahuahugit utiqattaqpaktut. Ilagiyangit, IA iluani Kanatamiunit Ukiuqtaqtuq turaariyauvaktuq inikhanut ihumaaluutigiyauvaktut, humiliqaak ilagivagaat akuningit kigliliuqhimayauyut naunaiyainingit, maliguarutingit inikhaat kiuyukhat angikliktiqhimayut qaffiuningit havaariyakhaq atuqtakhainnit.

Una qauyiharniq ilagiyaaat havaqattaqtut akhuuqtangit ukunanngat Iiharvigyuangat Saskatchewan mi, una Iiharvigyuangat British Columbia, unalu Nunavut Avatiliqiyit Katimayit (NIRB). Ukunani qimilruqtangit haffumani kinguanit havaariyakhaq ihivriurningit angmaumayuq ukunani NIRB'ip kitunuliqaak atiliurvingit, uuminngalu hivunikhaanut ilauhimayut ukuninngalu NIRB havaktiit katimayiitalu, malikhugit hivunikhaanit aktuuminiaqtangit: i) naunaiyailugit nalunaitkuhiuyut piyumayainnit ilauhimayunut haffumani ihuiluutiyunut ingattaqhittailinahuarningillu; ii) ihivriurlugit tadsa uuktuutigivagaat

ikayuqhimayangit piyumayainnit; unalu iii) nalunaiyaiyut inikhautikhaat ihuaqtumik nalunaiyainnikkut himmauhiqtut. Una qauyiharniq ikayuutauniarami turaariami piyumayainnit nalunaiqtauhimayut ukunanngat NIRB mit ilittuqhiigiangani piliriakhat ikayuqhimagiangani qanilrukkut ihumaliuqtingit kangiqhittiarahuarlugulu imarmiuttanit ihuiluutiyut ihumaaluutigiyangillu uvani IA nit.